

Disertis verbis Dominus fidem heic suam obligavit : liberare procul dubio potuit. Qnis contra hiscat , aut factum non credat ? Et quum dicit , ut sint Mecum , & videant Claritatem Meam , quam dedisti mibi . quia dilexisti me ante constitutionem Mundi , supremam Christi Claritatem , hoc est Gloriam in Cœlis prodit , de qua antea ipse Dei Filius dixerat ; Et nunc clarifica me , Pater , Apud Teme ipsum ( videlicet in Regia Beatitudinis tuae ) Claritate , quam habui , priusquam Mundus esset , Apud Te . En quare Justi cum Apostolo cupiant Dissolvi , & esse cum Christo ; quare peregrinari a Corpore , & presentes esse ad Dominum ; quare ambulare non per fidem , quod solum possunt , dum in Corpora sunt , sed per speciem , quod corpore solutis continget . Chrysostomus quoque Hom. 66. in cap. xii. Joh. Domini verba interpretans : Ubi sum ego , illic & minister meus , hæc habet : Ubi Christus ? in Cœlis . Ergo ante Resurrectionem Illuc . Anima & Spiritu transferemur . Hujusmodi autem Praemio donari ait , qui Crucem ferunt , et sequuntur Jesum .

Atque hæc evidenter produnt , quantum a veritate absit Burneti opinio , & simul quam firma sit sententia Catholice Ecclesie . Neque soluni ad mortem Fidelium se adventurum divinus Redemptor prædixit , sed & alterum suum denuntiavit Adventum , occultum & ipsum , quo tempore Regnum Judæorum excidit , capta & prostrata illorum Urbe a Romanis Anno vulgaris Epochæ lxx . & annis post Ascensionem Domini fere sex & tringa . Tunc ad peculiare Judicium ingratæ gentis Iudaicæ accessurus erat Christus . Immo Judicium illud typus fuit universalis alterius , ad quod omnes resurgentes in fine Mundi adstabimus . Vide Matth. xxiv. 2. ubi desolationem Templi prædicit , sequæ ea occasione adventurum : quæ et si de universali Judicio recte interpretari consuevimus , attamen respicere videntur singulare illud Judicium , quum subdat : Amen dico vobis , quia non præteribit generatio hæc , donec omnia hæc fiant . Cum his conjunge , quæ idem Dominus habet Matth. x. 19. Quum autem persequentur vos in Civitate ijsa , fugite in aliam . Amen dico vobis : non consummabitis Civitates Israel , donec Veriat Filius hominis . Confer etiam alterum locum Matth. xvii. 27. Filius hominis venturus est in gloria Patris sui cum Angelis suis . Et tunc reddet unicuique secundum opera sua . Amen dico vobis , sunt quidam de heic stantibus , qui non gubernabunt mortem , donec videant Filium hominis Venientem in Regno suo . Novi , referri & ista ad gloriosum Christi adventum in fine Sæculorum , atque ad Transfigurationem proxime sequitam : quæ sane interpretatio laudanda est , & mihi probatur . Nihilo tamen secius quum Adventus ille Christi futurus dicatur , vivente adhuc non uno ex Apostolis & Discipulis suis perpendendum est , num speare potius possit ad Judaici Regni excidium , in quo æternus Judeus poenas summi prædictas repetit a Populo illo , suo , suorumque Fidelium persequitore indefesso . Horrendo Hierosolymæ excidio notum est , saltē S. Johannaem fuisse superflitem . Ad ea quoque tempora referenda sunt , quæ habet S. Lucas in Evang.